

Fylgiskjal 2.**FRAMSELD REGLUGERÐ FRAMKVÆMDASTJÓRNARINNAR
(ESB) 2024/1506**

2026/EES/19/11

frá 22. febrúar 2024

**um viðbætur við reglugerð Evrópuþingsins og ráðsins (ESB) 2023/1114 með því að tilgreina nánar
tilteknar viðmiðanir fyrir flokkun eignatengdra tóka og rafeyristóka sem mikilvægra (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2023/1114 frá 31. maí 2023 um markaði fyrir sýndareignir og um breytingu á reglugerðum (ESB) nr. 1093/2010 og (ESB) nr. 1095/2010 og tilskipunum 2013/36/ESB og (ESB) 2019/1937 ⁽¹⁾, einkum 11. mgr. 43. gr.,

og að teknu tilliti til eftirfarandi:

- 1) Samkvæmt 1. mgr. 56. gr. reglugerðar (ESB) 2023/1114 skulu viðmiðanirnar sem settar eru fram í 1. mgr. 43. gr. þeirrar reglugerðar um flokkun eignatengdra tóka sem mikilvægra eignatengdra tóka einnig gilda um flokkun rafeyristóka sem mikilvægra rafeyristóka. Af þessum sökum er einnig nauðsynlegt að tilgreina nánar viðmiðanirnar sem um getur í e- og f-lið 1. mgr. 43. gr. reglugerðar (ESB) 2023/1114 í tengslum við rafeyristóka.
- 2) Til að gera Evrópsku bankaeftirlitsstofnuninni kleift að ákvarða hvort starfsemi útgefanda eignatengda tókans eða rafeyristókans sé mikilvæg á alþjóðlegan mælikvarða utan Sambandsins, og hvort eignatengdir tókar eða rafeyristókar eða útgefendur þeirra teljist vera samtengdir við fjármálakerfið, er nauðsynlegt að greina á milli kjarna- og viðbótarvísa fyrir slíka ákvörðun. Kjarnavísar ættu að fanga þá þætti mikilvægra eignatengdra tóka eða rafeyristóka sem skipta mestu máli. Meta ætti viðbótarvísa ef mat Evrópsku bankaeftirlitsstofnunarinnar á kjarnavísunum gerir henni ekki kleift að ákvarða á öyggjandi hátt að viðmiðanirnar sem um getur í e- og f-lið 1. mgr. 43. gr. reglugerðar (ESB) 2023/1114 séu uppfylltar. Niðurstaða mikilvægismatsins ætti að vera háð heildstæðu mati á báðum tegundum vísa.
- 3) Að því er varðar matið á viðmiðuninni fyrir mikilvægi starfsemi útgefanda á alþjóðlegum mælikvarða utan Sambandsins, þ.m.t. notkun eignatengdra tóka eða rafeyristóka til greiðslna og peningasendinga, eins og um getur í e-lið 1. mgr. 43. gr. reglugerðar (ESB) 2023/1114, ætti Evrópska bankaeftirlitsstofnunin að nota kjarnavísa sem varða starfsemi sem nær yfir landamæri milli Sambandsins og þriðju landa, umfang hlutaðeigandi tóka og starfsemi útgefanda á heimsvísu.
- 4) Viðskipti yfir landamæri, einkum þau sem tengjast notkun sem skiptimiðils, eru þau viðskipti í alþjóðlegri vídd sem eru líklegust til að valda áhættu fyrir fjármálastöðugleika, miðlun peningastefnu og peningalegt fullveldi Sambandsins. Þessi viðskipti endurspeglu einnig alþjóðlega starfsemi útgefanda eignatengds tóka eða rafeyristóka á alþjóðlegum mælikvarða utan Sambandsins í tengslum við notkun þeirra til greiðslna og peningasendinga. Af þessum sökum ætti Evrópska bankaeftirlitsstofnunin að taka tillit til vísanna um umfang markaðshlutdeildar af virði viðskipta yfir landamæri með eignatengda tóka eða rafeyristóka inn í Sambandið og út úr því og umfang áætlaðrar markaðshlutdeildar af virði slíkra viðskipta sem tengjast notkun slíkra tóka sem skiptimiðils. Vísinn um umfang markaðshlutdeildar af virði viðskipta yfir landamæri með eignatengda tóka eða rafeyristóka ætti að skipta enn frekar niður í tvo aðgreinda undirvísa sem tengjast innstreymi viðskipta og útstreymi viðskipta þar sem áhrifin af hvorri tegund viðskipta á fjármálastöðugleika og peningalegt fullveldi getur verið mismunandi.

(*) Þessi ESB-gerð birtist í Stjútíð. ESB L, 2024/1506, 30.5.2024. Hennar var getið í ákvörðun sameiginlegu EES-nefndarinnar nr. 213/2025 frá 19. september 2025 um breytingu á IX. viðauka (Fjármálaþjónusta) við EES-samninginn, sjá EES-viðbæti við *Stjórnartíðindi Evrópusambandsins* nr. 3, 15.1.2026, bls. 49.

(1) Stjútíð. ESB L 150, 9.6.2023, bls. 40, ELI: <http://data.europa.eu/eli/reg/2023/1114/oj>.

- 5) Til að fanga þá þætti mikilvægis starfsemi útgefanda á alþjóðlegum mælikvarða sem ekki ná yfir landamæri ætti Evrópska bankaeftirlitsstofnunin einnig að taka tillit til kjarnavísanna um markaðsverðmæti eignatengds tóka eða rafeyristóka á heimsvísu og til markaðsverðmæti allra eignatengdra tóka og rafeyristóka sem útgefandinn hefur gefið út. Markaðsverðmæti tóka á alþjóðlegan mælikvarða ber að skilja sem það taki til sama tóka sem gefinn er út utan Sambandsins til að greina það verðmæti frá markaðsverðmætinu sem um getur í b-lið 1. mgr. 43. gr. reglugerðar (ESB) 2023/1114.
- 6) Að því er varðar matið á viðmiðuninum um mikilvægi samtengingar eignatengdra tóka eða rafeyristóka eða útgefanda þeirra við fjármálakerfið, eins og um getur í f-lið 1. mgr. 43. gr. reglugerðar (ESB) 2023/1114, ættu vísarnir að fanga beina og óbeina samtengingu tókanna og útgefanda þeirra við fjármálakerfið. Bæði bein og óbein samtenging gæti haft í för með sér smitáhrif í báðar áttir, þ.e. frá útgefendum eignatengdra tóka og rafeyristóka til fjármálakerfisins og öfugt. Í þeim tilgangi er nauðsynlegt að setja fram kjarnavísana um mikilvægi þess hluta varasjóðs eigna, sem ekki flokkast sem innlán, sem eru fjármálagerningar sem gefnir eru út af fjármálastofnunum og um mikilvægi þess hluta eignarhlutdeildar útgefanda í hlutfalli við heildarframboð tiltekinna fjármálagerninga. Þar að auki ætti að setja fram eftirfarandi viðbótarvísa: fyrirkomulag eignarhalds á útgefanda eignatengds tóka eða rafeyristóka, samþjöppun vörslu varasjóðseigna útgefanda og skörun varasjóðseigna útgefanda við varasjóðseignir útgefanda annarra eignatengdra tóka og rafeyristóka.
- 7) Mat á mikilvægi hluta varasjóðs eigna, sem ekki flokkast sem innlán, sem eru fjármálagerningar útgefna af fjármálastofnunum er lykilatriði við mat á samtengingu útgefandans við fjármálakerfið. Sá kjarnavísir ætti að mæla beina samtengingu við fjármálageirann um varasjóð eigna útgefandans. Erfiðleikar fjármálastofnana sem eru útgefendur fjármálagerninganna sem eru varasjóðseignir gætu haft áhrif á virði varasjóðseigna sem standa að baki kröfum eigenda tókanna á útgefandann um innlausn tókans. Við mat á þeim vísi ætti Evrópska bankaeftirlitsstofnunin að taka tillit til undirvísanna um hluta varasjóðseigna, sem ekki flokkast sem innlán, sem eru fjármálagerningar, hluta varasjóðseigna, sem ekki flokkast sem innlán, sem eru afleiður ef um er að ræða eignatengda tóka, eða hluta sértryggðra skuldabréfa ef um er að ræða rafeyristóka. Hluti varasjóðseigna, sem ekki flokkast sem innlán, sem eru afleiður og hluti sértryggðra skuldabréfa eru nauðsynlegir sem undirvísar þar sem mótaðilar afleiða gætu verið lánastofnanir og veðkall gæti því haft veruleg áhrif á fjármálakerfið og hins vegar gæti brunaútsala útgefandans á sértryggðum skuldabréfum haft neikvæð áhrif á lausafjárstöðu lánastofnana.
- 8) Kjarnavísirinn fyrir mikilvægi þess hluta sem er eignarhlutdeild útgefanda eignatengdra tóka eða rafeyristóka í hlutfalli við heildarframboð á tilteknum fjármálagerningum, þ.m.t. einingar í verðbréfasjóði og ríkisskuldabréf, ætti að fanga óbeina samtengingu milli útgefanda eignatengdra tóka og rafeyristóka annars vegar og fjármálakerfisins hins vegar. Slik óbein tenging gæti haft áhrif á hefðbundna fjármálakerfið, einkum ef útgefandi eignatengds tóka eða rafeyristóka er tilneyddur til að selja eignarhlutdeild sína á brunaútsölu vegna fjárhagserfiðleika. Sú sala gæti lækkað virði þessara eigna og haft óbein áhrif á fjármálastofnanir með lækkun á virði eigna í eigu þessara fjármálastofnana.
- 9) Útgefendur eignatengdra tóka eða rafeyristóka geta einnig verið samtengdir fjármálakerfinu í gegnum eignarhaldsfyrirkomulagið. Sá viðbótarvísir gæti veitt heildarsýn á möguleg áhrif fjárhagserfiðleika á fjármálakerfið, ekki aðeins með hliðsjón af áhættu fyrir fjármálastöðugleika, heldur einnig í tengslum við orðsporsáhættu. Fjárhagslegir erfiðleikar eða hætin tilvik hjá útgefanda eignatengds tóka eða rafeyristóka gætu, fyrir milligöngu tengingar við útgefandann vegna fyrirkomulags eignarhalds, haft veruleg áhrif á stofnanir sem stunda aðra fjármálastarfsemi. Við mat á þeim vísi ætti Evrópska bankaeftirlitsstofnunin að beina athygli sinni að því hvort eignarhald á útgefandanum sé dreift eða samþjappað, hvort einstaklingar eða lögaðilar sem eiga virkan eignarhlut eru fjármálastofnanir og að flækjustigi eignarhaldsfyrirkomulags.

- 10) Önnur möguleg samtenging milli útgefanda eignatengds tóka eða rafeyristóka annars vegar og fjármálakerfisins hins vegar getur orðið til vegna samþjöppunar varasjóðseigna hjá fáum fjármálastofnunum. Þeim mun fjölbreyttari sem varasjóðseignir útgefanda eru þeim mun minni verða möguleg smitáhrif og fjármálastöðugleikaáhætta hans minnkar. Af þeim sökum er úthlutun varasjóðseigna til fárra fjármálastofnana eða mikil samþjöppun þeirra vísbending um meiri samtengingu við fjármálakerfið. Vegna sérstaks mikilvægis samtengingar sem getur stafað af samþjöppun innstæða hjá lánastofnunum þykir rétt að koma á tveimur undirvísingum undir viðbótarvísingum um samþjöppun varasjóðseigna útgefandans hjá fjármálastofnunum. Annar undirvísingin ætti að fanga samþjöppun varasjóðseigna í fjármálastofnunum og hinn undirvísingin ætti aðeins að fanga innstæður hjá lánastofnunum.
- 11) Nauðsynlegt er að fanga smitáhrifin sem gætu komið upp við tilvik þar sem um er að ræða mismunandi útgefendur eignatengdra tóka eða rafeyristóka sem eiga svipaðar eignir. Slíkar aðstæður gætu haft þau áhrif að fjárhagserfiðleikar og sala í kjölfar þeirra hjá einum útgefanda gætu haft neikvæð áhrif á aðra útgefendur. Af þessum sökum ætti að koma á viðbótarvísi um skörun eignasafna að því er varðar varasjóðseignir útgefanda við varasjóðseignir annarra útgefanda.

SAMÞYKKT REGLUGERÐ ÞESSA:

1. gr.

Skilgreiningar

Í þessari reglugerð er merking eftirfarandi hugtaka sem hér segir:

- 1) „fjármálastofnun“: eitthvað af eftirfarandi:
- a) lánastofnun,
 - b) verðbréfafyrirtæki,
 - c) rafeyrisfyrirtæki,
 - d) greiðslustofnun,
 - e) rekstrarfélag verðbréfasjóðs,
 - f) rekstraraðili sérhæfðs sjóðs,
 - g) váttryggingafélag eins og það er skilgreint í 1. lið 13. gr. tilskipunar Evrópuþingsins og ráðsins 2009/138/EB ⁽²⁾,
 - h) endurtryggingafélag eins og það er skilgreint í 4. lið 13. gr. tilskipunar 2009/138/EB,
 - i) stofnun um starfstengdan lífeyri eins og hún er skilgreind í 1. lið 6. gr. tilskipunar Evrópuþingsins og ráðsins (ESB) 2016/2341 ⁽³⁾,
- 2) „viðkomandi tímabil“: tímabilið sem um getur í a-lið 2. mgr. 43. gr. reglugerðar (ESB) 2023/1114 eða tímabilið sem um getur í b-lið 2. mgr. 43. gr. þeirrar reglugerðar.

2. gr.

Vísar fyrir mat á mikilvægi á alþjóðlegum mælikvarða

1. Við mat á því hvort viðmiðanirnar sem settar eru fram í e-lið 1. mgr. 43. gr. reglugerðar (ESB) 2023/1114 eru uppfylltar skal Evrópska bankaeftirlitsstofnunin meta alla eftirfarandi kjarnavísar:

- ⁽²⁾ Tilskipun Evrópuþingsins og ráðsins 2009/138/EB frá 25. nóvember 2009 um stofnun og rekstur fyrirtækja á sviði váttrygginga og endurtrygginga (Gjaldþolsáætlun II) (Stjtið. ESB L 335, 17.12.2009, bls. 1, ELI: <http://data.europa.eu/eli/dir/2009/138/oj>).
- ⁽³⁾ Tilskipun Evrópuþingsins og ráðsins (ESB) 2016/2341 frá 14. desember 2016 um starfsemi og eftirlit með stofnunum sem sjá um starfstengdan lífeyri (Stjtið. ESB L 354, 23.12.2016, bls. 37, ELI: <http://data.europa.eu/eli/dir/2016/2341/oj>).

- a) mikilvægi markaðshlutdeildar af virði viðskipta yfir landamæri með eignatengda tóka eða rafeyristóka inn í Sambandið og út úr Sambandinu,
- b) mikilvægi markaðshlutdeildar af virði viðskipta yfir landamæri með eignatengda tóka eða rafeyristóka, inn í Sambandið og út úr Sambandinu, í tengslum við notkun sem skiptimiðill,
- c) markaðsverðmæti eignatengds tóka eða rafeyristóka á alþjóðlegan mælikvarða á síðasta almanaksdegi viðkomandi tímabils,
- d) markaðsverðmæti eignatengdra tóka eða rafeyristóka, sem gefnir eru út af hlutaðeigandi útgefanda eða útgefendum, á alþjóðlegan mælikvarða á síðasta almanaksdegi viðkomandi tímabils.

2. Að því er varðar ákvæði a-liðar 1. mgr. skal Evrópska bankaeftirlitsstofnunin taka tillit til allra eftirfarandi undirvísa:

- a) markaðshlutdeild af virði viðskipta yfir landamæri með eignatengda tóka eða rafeyristóka inn í Sambandið og út úr Sambandinu (innstreymisviðskipti),
- b) markaðshlutdeild af virði viðskipta yfir landamæri með eignatengda tóka eða rafeyristóka inn í Sambandið og út úr Sambandinu (útsreymisviðskipti).

Evrópska bankaeftirlitsstofnunin skal reikna út undirvísinn sem um getur í a-lið fyrstu undirgreinar í samræmi við eftirfarandi formúlu:

samanlagt heildarvirði viðskipta þar sem greiðandinn er utan Sambandsins og viðtakandi greiðslu er innan Sambandsins
með tiltekinn eignatengdan tóka eða rafeyristóka á viðkomandi tímabili

samanlagt heildarvirði viðskipta þar sem greiðandinn er utan Sambandsins og viðtakandi greiðslu er innan Sambandsins
með alla eignatengda tóka eða rafeyristóka á viðkomandi tímabili

Evrópska bankaeftirlitsstofnunin skal reikna út undirvísinn sem um getur í b-lið fyrstu undirgreinar í samræmi við eftirfarandi formúlu:

samanlagt heildarvirði viðskipta þar sem greiðandinn er innan Sambandsins og viðtakandi greiðslu er utan Sambandsins
með tiltekinn eignatengdan tóka eða rafeyristóka á viðkomandi tímabili

samanlagt heildarvirði viðskipta þar sem greiðandinn er innan Sambandsins og viðtakandi greiðslu er utan Sambandsins
með alla eignatengda tóka eða rafeyristóka á viðkomandi tímabili

3. Evrópska bankaeftirlitsstofnunin skal reikna út áætlaða markaðshlutdeild sem um getur í b-lið 1. mgr. í samræmi við eftirfarandi formúlu:

áætlað samanlagt heildarvirði viðskipta yfir landamæri með tiltekinn eignatengdan tóka eða rafeyristóka, inn í
Sambandið og út úr Sambandinu, í tengslum við notkun tókans sem skiptimiðils á viðkomandi tímabili,

áætlað samanlagt heildarvirði viðskipta yfir landamæri með alla eignatengda tóka eða rafeyristóka, inn í Sambandið og
út úr Sambandinu, í tengslum við notkun þeirra sem skiptimiðils á viðkomandi tímabili

3. gr.

Vísar fyrir mat á samtengingu við fjármálakerfið

1. Við mat á því hvort viðmiðanirnar sem settar eru fram í f-lið 1. mgr. 43. gr. reglugerðar (ESB) 2023/1114 eru uppfylltar skal Evrópska bankaeftirlitsstofnunin meta alla eftirfarandi kjarnavísa:

- a) umfang þess hluta varasjóðseigna, sem ekki flokkast sem innlán, sem stendur að baki eignatengdum tóka eða rafeyristóka sem eru fjármálagerningar útgefnir af fjármálastofnunum,
- b) umfang hlutdeildar eignarhluta útgefanda í hlutfalli við heildarframboð tiltekinnna fjármálagerninga.

2. Að því er varðar ákvæði a-liðar 1. mgr. skal Evrópska bankaeftirlitsstofnunin taka tillit til eftirfarandi undirvísa:

- a) hluta varasjóðseigna, sem ekki flokkast sem innlán, sem stendur að baki eignatengdum tóka eða rafeyristóka sem eru fjármálagerningar útgefnir af fjármálastofnunum,
- b) ef um er að ræða eignatengda tóka, hluti varasjóðseigna eignatengds tóka, sem ekki flokkast sem innlán, sem er afleiður, eða
- c) ef um er að ræða rafeyristóka, hluti varasjóðseigna rafeyristóka, sem ekki flokkast sem innlán, sem er sértryggð skuldabréf.

Evrópska bankaeftirlitsstofnunin skal reikna út undirvísinn sem um getur í a-lið fyrstu undirgreinar miðað við síðasta almanaksdag viðkomandi tímabils í samræmi við eftirfarandi formúlu:

heildarvirði fjármálagerninga sem gefnir eru út af fjármálastofnunum sem eru hluti af varasjóði eigna fyrir eignatengda tókann eða rafeyristókann

(heildarvirði varasjóðs eigna fyrir eignatengda tókann eða rafeyristókann)-(heildarvirði innstæða í varasjóði eigna fyrir eignatengda tókann eða rafeyristókann)

Evrópska bankaeftirlitsstofnunin skal reikna út undirvísinn sem um getur í b-lið fyrstu undirgreinar miðað við síðasta almanaksdag viðkomandi tímabils í samræmi við eftirfarandi formúlu:

heildarvirði afleiða sem eru hluti af varasjóði eigna fyrir eignatengda tókann

(heildarvirði varasjóðs eigna fyrir eignatengda tókann)-(heildarvirði innstæða í varasjóði eigna fyrir eignatengda tókann)

Evrópska bankaeftirlitsstofnunin skal reikna út undirvísinn sem um getur í c-lið fyrstu undirgreinar miðað við síðasta almanaksdag viðkomandi tímabils í samræmi við eftirfarandi formúlu:

heildarvirði sértryggðra skuldabréfa sem gefin eru út af lánastofnunum sem eru hluti af varasjóði eigna fyrir rafeyristókann

(heildarvirði varasjóðs eigna fyrir rafeyristókann)-(heildarvirði innstæða í varasjóði eigna fyrir rafeyristókann)

3. Evrópska bankaeftirlitsstofnunin skal reikna út hlutann af eignarhlutdeild útgefandans sem um getur í b-lið 1. mgr., að því er varðar síðasta almanaksdag viðkomandi tímabils í samræmi við eftirfarandi formúlu:

heildarvirði eignarhlutdeildar útgefanda eignatengds tóka eða rafeyristóka í tiltekinni tegund fjármálagernings

heildarframboð á þeirri tegund fjármálagerninga

4. Ef matið á kjarnavísunum sem um getur í 1. mgr. leiðir ekki til endanlegrar ákvörðunar að því er varðar viðmiðun um samtengingu sem sett er fram í f-lið 1. mgr. 43. gr. reglugerðar (ESB) 2023/1114 skal Evrópska bankaeftirlitsstofnunin meta alla eftirfarandi viðbótarvísa:

- a) fyrirkomulag eignarhalds á útgefanda eignatengds tóka eða rafeyristóka,
- b) umfang samþjöppunar varasjóðseigna útgefanda eignatengds tóka eða rafeyristóka hjá fjármálastofnunum,
- c) umfang skörunar eignasafna varasjóðseigna útgefanda eignatengds tóka eða rafeyristóka við varasjóðseignir annarra útgefanda eignatengdra tóka og rafeyristóka.

5. Að því er varðar ákvæði a-liðar 4. mgr. skal Evrópska bankaeftirlitsstofnunin taka tillit til alls eftirfarandi:

- a) hvort eignarhald á útgefandanum sé dreift eða samþjappað,
- b) hvort einstaklingur eða lögaðili sem á virkan eignarhlut sé fjármálastofnun,
- c) flækjustigs eignarhaldsfyrirkomulags.

6. Að því er varðar ákvæði b-liðar 4. mgr. skal Evrópska bankaeftirlitsstofnunin taka tillit til allra eftirfarandi undirvísa:

- a) samþjöppun varasjóðseigna útgefanda eignatengds tóka eða rafeyristóka hjá fjármálastofnunum,
- b) samþjöppun innstæða útgefanda eignatengds tóka eða rafeyristóka hjá lánastofnunum.

Evrópska bankaeftirlitsstofnunin skal reikna út undirvísinn sem um getur í a-lið fyrstu undirgreinar miðað við síðasta almanaksdag viðkomandi tímabils í samræmi við eftirfarandi formúlu:

$$\text{Samþjöppun} = s_1^2 + s_2^2 + s_3^2 + \dots + s_n^2$$

þar sem s_n = hluti varasjóðseigna geymdar hjá fjármálastofnunum n (sett fram sem heil tala).

Evrópska bankaeftirlitsstofnunin skal reikna út undirvísinn sem um getur í b-lið fyrstu undirgreinar miðað við síðasta almanaksdag viðkomandi tímabils í samræmi við eftirfarandi formúlu:

$$\text{Samþjöppun} = c_1^2 + c_2^2 + c_3^2 + \dots + c_n^2$$

þar sem c_n = hluti varasjóðseigna geymdar hjá lánastofnunum n (sett fram sem heil tala).

7. Evrópska bankaeftirlitsstofnunin skal reikna út viðbótarvísinn sem um getur í c-lið 4. mgr. miðað við síðasta almanaksdag viðkomandi tímabils í samræmi við eftirfarandi formúlu:

heilðarvirði varasjóðseigna fyrir eignatengdan tóka eða rafeyristóka sem einnig eru geymdar í varasjóði eigna annarra útgefanda eignatengdra tóka eða rafeyristóka

heilðarvirði varasjóðseigna fyrir eignatengda tókann eða rafeyristókann

4. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. febrúar 2024.

Fyrir hönd framkvæmdastjórnarinnar,

Ursula VON DER LEYEN

forseti.
